

聞
音
室
詩
集

詔授奉政大夫 文淵閣校理翰林院編修加五級王

志銘

君諱嘉曾字漢儀一字寧甫史亭其別號也初名廷商
改楷曾通籍後復改今名焉先世系出山左爲宋魏國
公旦後始祖鎮之公家於汴官金紫光祿大夫南渡時
自汴遷松江族姓繁衍其一支在華亭之張溪代有文
行皆潛德勿耀入

本朝而君高祖農山公諱廣心登順治戊子賢書己丑
成進士累官御史曾祖瑄湖公諱頊齡康熙癸卯舉于
鄉丙辰捷南宮由太常博士舉康熙己未博學鴻詞科

墓志銘

改授編修累官武英殿大學士

特贈少傅

賜諡文恭祖澂川公諱圖炳康熙己卯舉人丁亥

聖祖南巡迎

鑾獻詩蒙

召試

命隨入京供奉

內廷壬辰

欽賜進士改中書累官禮部左侍郎以詹事府正詹事致仕考棧齋公諱詒燕候補郎中君其仲子也乾隆癸

酉舉順天鄉試丙戌成進士改庶常辛卯散館授編修
充四庫館暨方略館纂修

文淵閣校理庚子爲山西副考官旣復

命俄而疾作冬告歸歸後疾轉劇遂于辛丑秋八月十
五日卒於城西里第距生雍正己酉五月九日享年五
十三歲初棧齋公延先君甘廬先生設帳于 寶訓堂
中君與哲兄定菴弟古齋咸受業焉旣而余亦隨侍先
君鄰下與三君同研席四人者晨夕聚首含經咀史互
相切磨而君質微魯迺益刻苦自厲遂精通春秋左氏
傳班固書及八翰林丁父憂回籍得鄉先輩沈學子先

生鈔本吳中三惠先生所校汲古閣十三經注疏手丹
黃纂錄寒暑無間既卒業而君經術湛深直追鄭馬服
杜諸儒之軌矣眼闕散館後僦居城南保安寺街官房
數楹杜門謝客覃精研思顓意撰述入直館辰入酉出
孜孜不稍倦蒙

恩賜硯一方硃一匣筆一匣宣德紙一卷緞二端荷包
三對復時

賜食物珍品嗚呼儒生文學遭逢

聖主知遇迴翔于石渠天祿之間可謂榮矣而年不永
不克盡展所蘊可不惜哉君爲人憺怕溫藉屏絕世俗

紛華靡麗之習與人交沈摯肫篤敦信義重然諾居恒
靜默寡言至與朋儕語及經史疑義文字源流與凡六
書音韻律算諸法辨晰精微斷斷不稍休雖館中前後
輩如翁覃溪戴東原諸公無以難也生平著作自手校
十三經注疏昭明文選外更有山海經許氏說文顧氏
音學梅氏算法諸書皆有定本而自著有聞音室詩集
藏于家其四書文及古文駢體詞賦甚夥不自愛惜藏
去今其家不知尙有存者以否君前娶趙宜人繼娶盛
宜人咸有賢德子元符國學生筵室秦孺人出元善國
學生盛宜人出元彝庠生秦出元宇庠生盛出皆能讀

父書世其學女子子存者一適大理寺評事李應坡一
適鹽場大使沈靜一適楊蘭如孫男六人孫女五人皆
幼往歲甲午余自章安入都再爲吏部選人復與君周
旋者兩載酒酣已往脫帽露頂則君已白黑髮雜而髟
矣余固訝君之早衰而君則顧余曰吾與若相好也若
爲後死者他日當志吾墓余愕眙久之嗚乎孰知其竟
爲讖也今卜擇有期古齋頻以書來趣余踐前諾余安
敢以譎陋不文辭遂潛然流涕而銘之其阡在金山縣
七保三區十一二圖之光字圩趙宜人祔并營盛宜人
生壙于右趙宜人生于雍正壬子七月十二日卒于乾

隆甲戌四月二十六日得年二十三歲其葬在乾隆壬子年十二月十七日銘曰

續世德裕後澤豐其文嗇其福羸縮之數杳莫測猗嗟寧甫安女宅後死者余銘茲石

同里世愚弟許翼行頓首拜撰文

古詩專求意象歌行必由才氣近體務先法律絕句獨
主風神胡氏不刊之論也吟繹大集諸作脗合具此曠
世逸才卽見玉堂翔步吾鄉風雅端歸君家喬梓可敬
又可羨也 已卯七月七夕潭西弟沈大成讀

余讀史亭詩不下數百首此卷得之蹠蹠春明解鞍逆
旅時者爲多蓋自史亭捷北雍五上春官緇塵京洛幾
倦於游回首曩時翦燭論文酒酣擊鉢其意致亦少減
矣故其爲詩雖風力愈上而一種抑塞磊落之致時流
於言外歐陽子云詩者窮而後工以史亭之才方將騰
踔萬里不終鬱鬱以居者然其得力則寧無所自哉

右覽

塵初稿跋

愚弟張錫惠拜手跋

五言古詩骨氣高秀如姑射神人不染些子凡近之氣高者在建安以上次亦不下鮑謝之間七古清麗芊綿無齊梁粉黛之習而有其腴具初唐富麗之長而去其重至疏散雄邁之處則直入盛唐之室矣五律結構精嚴製詞典雅得六朝氣味而參以王孟諸公格法便覺超超元箸七言律七言絕則風流蘊藉雅稱其人善學問荒落竊附解人癡人射覆未知有當否也

乾隆三十六年辛卯四月八日穆堂弟許寶善跋

三疊仙心半宵秋氣瀉瓊瑗綠絢程筠膠素魄以如

弓攬銀河而爲帶玉堂不寐珠館猶扁幾行碧落之碑
萬口霓裳之詠生應天上聞幸人間標格溯元暉明遠
而還品題在初日曉風之上受卷卒業系之云爾
嘉慶十九年秋九月朔遠春張興鏞拜手

聞音室詩集目錄

第一卷 覽塵初稿

古今體詩八十四首

第二卷 覽塵初稿

古今體詩七十七首

第三卷 閱水集

古今體詩八十七首

第四卷 閱水集

古今體詩七十六首

又一卷 遺文附刻

先君子去世闕三紀矣生平著述惟詩僅存向以
未經手定不敢草率付梓歲月屢更恐致湮沒爰
釐四卷鐫版以存諸家此外館課賦亦間有賸稿
俟續刻至古文詞則散失殆盡摭輯所得未能備
體茲附刻詩後儻海內年嫻世好家檢有先君
子撰著郵筒惠寄俾得彙錄成編續刊問世則不
肖等感且不朽嘉慶二十一年四月男元善謹識

元宇

聞音室詩集卷一

金山王嘉會漢儀

覽塵初稿

詠懷詩

陽暉被嘉樹春色浩以繁
百卉挺葳蕤欣欣似欲言
中有幽賞人吟嘯獨憑軒
常恐物華歇零落委芳園
士生窮巷中志豈在饔飧
高步有蹭蹬屈志苦憂煩
身世百年內幽懷難具論

良夜寡歡會停杯發浩歌
歌竟長太息按劍自摩挲
憶昔五陵豪結客互經過
朝飲燕市酒夜舞越溪羅
長林

二三月林莽鬱嵯峨呼鷹下峻坂盤馬向山阿少壯歡
娛地由來意氣多而我獨何爲終歲常坎軻鹽車絆駿
足慷慨當如何

紆鬱陟高岡惻愴懷故人故人不可見草黃斜日曛人
非木石交而不感離羣昔爲舊酒壚今爲宿草墳如何
百歲內奄忽若浮雲玉樹亦旣折芝蘭又已焚日暮山
陽笛寥亮不堪聞

皎皎明河畔清輝縈太虛寂寂金閨裏幽思逼庭除美
人臨空房眇眇獨愁予歲月忽已晏佳會竟何如明月
若瑤華欲以贈離居采之不盈把坐對空踟躕

如茵試望西陵下細雨輕寒思不禁

游宣廟講寺

鐘魚茶板付塵封初地重來禮佛客坐向虛檐日亭午
碧桃花發水琤淙

過秀甲園感賦

朝宿方經始誅茅擬遂初西州無限淚東路幾行書鶯
語重簾隔松聲小閣虛年年金屈戌苔綠意何如

長信秋詞

玉階獨立苔痕淺銅壺促漏催瓊箭金屋流螢照畫屏
銀雲掩月如秋扇火照西宮夜轉深燕釵蟬鬢滿花陰

那知魂佚宮車遠虛費長門買賦金

春闌詞四首

犀帖窗重護鏡奩麝絲初理玉纖纖日高深院無人到
一樹桃花罨畫檐

行廊葉暗隔芳塵烟樹離離望不真約畧玉樓人倦處
海棠花外月如銀

風欺花事宕簾痕淅淅春寒燕到門金葉拋殘犀比亂
洞簫偏解怨黃昏

穠香如霧汎窗紗醉倚熏篝鬢鬢斜一枕紅粧眠未穩
夜來春夢似楊花

秋夜

燕影羈心積蟬嘶懶婦驚綠池微雨歇碧漢夜涼生瓊
樹思千里西堂坐二更亦知搖落意不待井梧聲

南樓曉雪戲贈

乍覺屏山曉欣然笑語諧漸能敲翠竹近欲沒香階舞
愛驚鴻逸書看飛白佳試參清淨理好伴太常齋

玉峯道中

沙尾暮潮生吳船逐浪輕江空汀樹短帆卸石橋橫冷
色鴉千點斜陽水半城計程歸故里新月恰初明

秦淮曲

勸君莫憶繁華窟繁華轉眼終銷歇試話南朝弔秣陵
秦淮水榭春三月三月秦淮春水多掩映朱欄橫綠波
誰家楊柳高樓月不唱烏啼子夜歌零亂紅鐙自飄宕
參差錦纜遙相望朝雲夢渚亦荒唐鄂君青翰空惆悵
春風玉勒雙盤纓綺羅如燕逐輕盈筵無公瑾人常醉
坐有相如客盡傾紅牙乍按檀脣吐金縷衣輕曲屢顧
翦燭休嫌漏下遲披簾但覺香生霧一年歡笑一年新
百斛明珠聘玉人秋雨幽蘭憐小小春風軟帳喚眞眞
巫雲未散天雞弄曉光射帳明霞動人生不惜是銷魂
烟花盡日常如夢況值河橋擁敗兵渡江五馬下陪京

鑿金博得潘妃笑聖火還逢趙鬼迎
長星墮地無人見
杯酒朝朝足荒譙
遊妓頻登閱武堂
徵歌試下披香殿
神仙小部獻君王
狎客蠻箋總擅場
不願山河爭楚漢
要將袈裟勝齊梁
那知南內秋風急
鐵騎驕嘶滿城闕
蠟淚宮門鐙火紅
蒼黃臥內兵符發
銅駝草掩臥寒蕪
魚服魂游憶故都
燒殘玉樹歌應歇
淚斷銅仙月亦孤
石巢燕子春鐙錯
懷涼院本無人度
詞客關情記夢華
鶯花空復成朝暮
予也朝來白下城
素衣塵染客心驚
楚望登樓常暇日
蕪城命操更傷情
曩昔長橋猶在否
荒涼珠市仍如舊
碧草埋魂黛色鮮
落花灩血啼紅瘦

鬱金堂鎖舞衫封桃葉潮平畫漿空蘸水祇餘楊柳綠
窺牆無復杏花紅夜深一片秦淮水猶傍南朝舊羅綺
西鄰更有琵琶聲嗚咽悽清愁欲死

黃天蕩歌

江帆疾飛如截葦一片寒濤渺千里當年龍戰墮洪流
云是蘄王舊戰壘蘄王將畧侔孫吳浮玉山前爲角犄
戰鼓渡江塵漲天蒼黃躍馬魂驚矣徒爾窺江效佛狸
肯容荐食如封豕嗚呼丈夫生則封侯死廟食戰伐英
靈劉岳比同時何限英雄人慘澹難披靖康史誰云江
左有夷吾坐令長城壞豎子西風羸背臨安城脫畧功

名又如此卽今酌酒橫大江舳艫想像空灘水清時那
有戰塵驚颺尙挾飛濤起不見靈旗縹緲間極目金
焦暮烟紫

登平山堂望江上諸峯

紅橋一夜雨清曉不復寐著屐恣幽探孤懷興始遂坦
夷石徑長交枝互蒼翠樹杪露金碧朱戶洞不闕天風
吹浮圖鈴語響替戾遂登平山堂階基歷層累熏然耳
目開頓覺雲天異空濛亦何有重沓雲氣邃稍見一峯
青亭亭此孤寄須臾羅烟鬟明滅遞呈媚大江從西來
諸峯於此會高下理不齊虛檐但平視圖經知有名斷

續誰爲示生平慕遐觀空濶此爲始便欲藏巾箱於此
選初地夕陽下平楚山椒起清吹蜀岡不可留松聲半
空墜

泊黃河新壩雨竟夕

繫纜河隄柳葉青年年春盡短長亭低徊此夕殘鐙雨
九曲風濤到枕屏

陰平驛壁間見舊題

短策騎羸吟夕陽蛛絲拂袖墨蒼涼重來渾似嘉陵驛
愁向屏風見海棠

同年胡吟石洛館揚州卻寄

粥鼓聲中鐙共挑江南鄉夢各迢迢素衣塵染留京雒
紅藥花翻別灞橋暇日頻沽燕市酒歸來好看廣陵潮
竹西夜月情何限待譜新聲付洞簫

游仙詩三十四韻

海市銀爲屋璿宮玉作潭暫游辭絳闕小謫下雲嵐白
鳳翔初下青琴樂且湛洛靈貽翠羽殷七挽花籃諸娣
窺屏笑雙鬟褰袖慙貰錢迎贅壻夢雨佩宜男前髮元
妻鑑禮睂帝女蠶最憐姑爪瘦愛齧女脣甘點筆橫波
磔挑琴辨衍譜圍棋朝覆局擁髻夜叢譚偶爾裁桃葉
依然軫葛覃幾時財薦栗佳節過傳柑仙侶偕移宅神

山擬縛庵那知江路永漸覺惡風酣鬼國唯魂索天關
苦霧滄瀛祗忘祓社失道誤投奔營室傷懷甚幽篁獨
處耽仙曹偕計吏紫府又停驂靈瑣生虛白星潢泛蔚
藍頻貽金鏤枕空附石城函閫闔愁還倚關河望豈堪
浮雲向西北孔雀憶東南骨似緗桃出鬢從秋柳璿玉
棺遺碧落金碗委香龕蘭蕙嗟門植櫻桃痛鳥舍仙家
差可樂塵劫幾曾諳青鳥銜書至紅崖絕路探紛紜魚
媿散來往鳩媒貪雨暗流蘇帳塵昏玳瑁簪空堂絃拉
雜畫閣燕呢喃怕見花旛動慵將繡佛參海波終不息
木石豈能擔秦掾歸何晚韓憑意自慚漸車如問渡試

待月初三

潯陽送別圖

江冷風淒酒易醒爲誰幽怨似湘靈
波心月落寒潮歛紅粉青衫各淚零
琵琶蕭索荻聲疎九派潯陽夜月虛
比是楊枝猶怨惜白頭淪落老尙書

秦望山莊

青峭峯猶立寒蕪徑轉深山邱今日
改喬木百年心曾誓平泉石空輸太
府金雍門如可作此意最沈吟

超果寺一覽樓

蕭瑟秋林下飛樓試一登
亂鴉黃葉寺捫蝨白頭僧
金碧虛堂暗雲天夕照澹
殘碑猶可讀歸屐暮烟凝

重到南樓

碧海無波水自流星河不斷
路悠悠半簾風雨催春去
一枕池臺記夢游桑甚紅
深鳩語醉芭蕉綠暗鬼吟
愁壞牆一帶靡蕪徑此日
人來欲白頭

寒夜對月書懷

遙天秋欲盡靜夜獨登臺
古戍昏鴉噪寒城畫角哀
清輝殊慘澹孤影獨徘徊
節物驚時序崢嶸歲月催

龍潭道中

朝登雲陽城暮發龍潭驛秋風振四野獨夜遠行客馳
驅歷山麓林密亂如戟常恐咫尺閒誤入虎豹宅因思
風塵中河海信所適勞生固委蛇晏居亦跼蹐少壯倦
遠游老大愧行役出門懷死憂杜門非長策懸弧有深
義豈必饑寒迫躊躇出林端不覺月皓白冉冉登前途
持此慰蕭索

秋懷

苔荒門掩客情孤蕉鹿城隍夢有無望氣蒼鷹盤碧落
倦游黃蝶下寒蕪染絲剝蘂心同苦驕餌臨淵計轉愚
何處稻粱謀最早長天杳杳雁銜蘆

蕭蕭華屋動闌風
燕影蟬聲搖落同
秋薦玉盤夸橘柚
霜催金井怨梧桐
聽聞始信竽吹濫
刻畫爭憐楮葉工
滿目蓬根無倚託
何年颺舉入雲中

春月

金盆忽在望
敲側暮雲端
天上無明月
何人共夜闌
蕭疎春燕影
鳴咽洞簫寒
漸覺花枝亞
濛濛濕露團

山行

溪山澹無姿
平楚正蒼碧
冷然排冥筌
持此謝塵積
忘機狎鷗鳥
謀野塾巾幘
烟駕有餘清
林巒麗晨夕
何處尋鸞音
木葉空行跡

河間道中暴雨停車驛舍見壁間有柳陰如翠潑
衫青之句因和之

雲葉熒熒散積冥燦衣對竈歇鈴眇然風雨沿沙白
望裏蘼蕪隔岸青馬頰何人尋故道塚書有客問遺經
荒城一片蟬聲晚多少楊枝覆驛亭

癸酉除夕

三年此夕常爲客今夕應知免客嘲乍喜蝸牛初就舍
轉憐海燕又辭巢開春計偕北上揭來鄉國猶萍梗往事南樓
似影泡壬申除夕前一日長子殤此別幾時逢令節那辭洗盞列盤

肴

橫塘

津亭無限柳條黃
冉冉楊花送客航
愁絕清歌聽不得
輕橈斜日渡橫塘

春日寓京師興聖寺

聲華無藉浪游梁
僦舍騎驢對夕陽
上巳春城還贈芍
半年蕭寺似監香
玉河看樹烟初綠
金縷聽鶯柳半黃
共說京華游俠窟
幾人結客少年場

寄懷葑洲張三

一春風雨杳如年
斜月殘鐙倍黯然
除卻蓬蒿張仲蔚
更無人撫壞陵絃

故人天末其琴尊

謂許大
蒼園

旅舍欣無剝啄喧每到寺門

人散後半枝殘蠟又黃昏

玉鞭雲際望觚棱天半紅牆未易登孤負韶華二三月
大隄春草綠雲蒸

怨情

孤衾弔秋鐙荒砌斷蛩語不知古臺榭怨魄愁天曙凭
欄風露清自踏長廊去斜月墮宮牆離魂眇何處

題長新店壁

喚取紅巾拭淚痕酒徒散盡重銷魂一春蝶夢迷香草
三月鶯花亂曉村白雪幾翻吟下里烏衣誰復認王孫

憐才只合旗亭去畱與雙鬟唱玉門

嶧山道中

山雨朝晴翠欲流烟巒濃澹望中收籃輿一徑風林轉
日午山田聞叱牛

東阿遇雨

山行終日禿鶯啼雲氣模糊日影低暫歇征輶高樹下
白楊風急雨聲齊

南沙河叢竹數株雜題驛舍三絕

孤負陵雲一寸心烟啼露壓古牆陰幽篁一徑風林晚
日落疑聞山鬼吟

飄零休擬淇園健淪落真同驛舍椽滿目冬青倍悵悵
更無人與賦嬋娟

鳳食鸞棲拂絳霄捎雲風格自脩脩憐才倘遇宮人詠
乞與王郎譜洞簫

邗江晚泊

蕪城舊是帝王家水郭檣颿處處斜一片江聲沈鐵鎖
二分月色灑銀沙春深夢斷芙蓉鏡客倦吟殘豆蔻花
席帽王孫人不識去年風雪向天涯

送從弟

顯曾

就婚西江

送爾西江萬里舟填橋鵲已報新秋卽看銀漢黃姑渡

無恙金波帝子樓七寶裝成新月橈十睂工畫遠山愁
東南日出迎夫壻千騎遙知最上頭

燕南別夢最銷魂判袂層河又一尊客路花紅憑驛使
家山草綠念王孫啼鳥曉散臨江戍斜月宵沈遠樹村
官舫旗亭吟寫遍好畱翠袖拂塵痕

題繆毅齋

孟烈

梅花帳額

清影蕭疎玉不如香勻斗帳襲裋褐夢中不識江南路
水郭斜陽目斷初

澹黃纖月照孤清風雪連牀十載情此別相思江路永
夜深休聽玉簫聲

幽居集選四首

荏苒冬春謝蓬蒿滿中園亦有巢居子而無車馬喧
息景掩舊屋濁酒聊自酌山暝孤猿吟鳥散餘花落
中散不偶世梅生隱市門相與觀所尙欲辨已忘言
吉士懷貞心幽人在峻谷長揖當塗人歸來藝桑竹

顏魯公祭姪文稿墨蹟

天津橋上碧血流顏公壯節懸清秋河朔少年盛意氣
可憐父子謀同仇潼關已破東都陷漁陽突騎鼓聲僣
作質寧止客奴兒象賢猶仗常山劍此時義勇屬平原
攬槍夜埽旄頭昏季明小字光日月陳辭再拜招幽魂

故闌首櫬語悽戀史筆如山未曾見泱泱河水日東流
誰爲英靈作佳傳惟公大放瓊琚辭潑墨屬草光淋漓
筆底蛟龍氣鬱律一波一磔風雲馳嗚呼二十四郡無
義士一家節烈照青史千年神物知有靈圖印君看識
天水

季明是杲卿少子同死於常山之難故祭文云父陷子死巢傾卵覆爾首櫬及茲同還

送同年郁端庵正之皖城

離堂一樽酒杖策踐荒塗棄擲從天意文章敢自誣無
能仍作客失意久爲儒鄉國三千里渾忘歲月徂

庚辰春晤

端庵於都門客游已四年矣

念子悠悠去親交那便忘世情增束縛吾道益疎狂聚

首無多日頻年各異方生平湖海志此別轉蒼茫
臨歧黯無語感慨意何深易作他鄉別難爲此日心川
塗甘跋涉行李奈蕭森老大成何事相思各潯淫

楊雲孃太行山送別圖

宋尙本有記

曉拂多羅淺澹描盤雅雙綰紫茸貂亂山風雪蒼茫裏
襖被濃香漸漸消

鶯飛草長故園春消受華年兩鬢塵斜日旗亭渾似夢
故人恰遇小平津

表弟吳芸閣

敬輿

放舟南下久不得消息

入秋分手去木葉正紛飛潞水千盤曲人烟四望稀浮

聞音室詩集卷一

五

家無健僕檢篋尙春衣
念子勞心曲依依感式微
獨坐明鐙裏低徊又歲華
酒荒從倦客夢喜是還家
雪擁長安舍香凝小市花
美人千里別相望各天涯

寒夜步月虎坊橋

燕臺獨眺旅魂驚
天宇蕭寥夜氣清
萬里星霜悲朔雁
五更鼓角接邊城
艱難寒惜征衣薄
蘼落愁隨濁酒傾
此夕步檐渾不寐
故園刀尺有離聲

宮體詩四首

犀帖朝光射帳新
倦拋繡佛理綦巾
重簾風急花如雨
小閣春寒夢似塵
羞引芳心隨鳳翼
難將幽意託魚鱗

惱公情思年來慣
羨殺紅絨索笑真

掠削風鬟奈此宵
夜香燒罷鎖窗寮
消磨意味從銀蠟
怱悵情懷寄洞簫
半榻金經依佛火
一機錦字卷鮫綃
縱教乘得青鸞便
蓬島春流極望遙

阿閣銅鋪第幾層
蔚藍雲淨月華凝
難渝碧海三生誓
爭免紅氍五夜棱
吟袖歌酣金縷曲
琴心春澹玉壺冰
絕憐擁髻長宵坐
齟齬風情作意矜

櫻桃落盡小庭虛
誰把瑤華贈索居
鸞影頻迴中婦鏡
蠶眠遙隔上三書
蠻腰帶減圍裊蝶
靈鑊苔侵冷鑰魚
那得紅牆各易近
碧天三五笑蟾蜍

綠陰紅豆同年胡吟石屬賦

淊淊清寒接翠微
春陰澹宕葉痕肥
攜箏獨坐彈深巷
繫馬重來認舊扉
小閣日斜簾半押
行廊花妥燕交飛
低徊記得紅牆角
慘綠年時乍染衣

綠陰

誰將清淚滴蟾蜍
散入東風點染虛
比是櫻桃偏解恨
擬他豆蔻未成書

李賀詩寄
書題豆蔻

鳥名共命魂
猶戀草號紅

心血不如一種相思
消未得摩娑
天末感離居

紅豆

題畫冊二種

松

遠夢生江閣
清陰照佛鐙
蒼然秋雨裏
疑有六朝僧

殘荷

綠波紅榭遠依依敗葉霜黃水面稀猶有餘香吹不斷
西風和雨入簾衣

除夕與許薈園寓堂縱譚

歲月去怱怱宵長燭燄紅相看俱老大把酒話兒童磨
滅斯文在艱難我道同且商今古事未擬卜窮通

張敬堂橫雲飛瀑圖

我家住橫雲雲壑頗清綺所惜少飛流高揭天瓢水蕭
晨拂短素山客特增美頽響赴層阿飛練如雲委清河
盛門第託興在巖趾水石清有餘絲竹紛可已湯惠碧

雲間謝監紅泉裏
倘得發游蒙一濯靈溪是

聞音室詩集卷一

婁縣姚

椿春

聞音室詩集卷二

金山王右軍詩集卷二

覽塵初稿

秋水軒

菡萏香未殘湖波清見底水亭四面開露檻沈秋沚石
色映清瀨松聲雜流水一寸二寸魚時逐落花至夕陽
池上橫彌望何窮已

嘉樹軒

空堂履綦絕嘉樹倚前除霽景明石壁炊烟起山厨修
叢雀語喧塵榻鼠跡虛此時撫瑤軫琴心清且紆緬懷

封殖初何止韓宣

泗涇雨泊

小市屐聲滿方塘繫纜初湖波增瀲灩岸葦轉蕭疎雨
暗沈津柝潭深聞夜漁此時清夢斷意與水雲虛

張葯洲索題秋林讀書圖久留篋中九秋渡黃歇

浦爲作長歌

君不能矜財雄於五都蜀嚴冶鑄揚洪鑪又不能騁雄
辯於萬乘華屋抵掌取相印四十不官亦无闕一卷陳
編老鬚鬢與君結契垂廿年中間聚散如雲烟君才灑
落我狷狹登壇往往爭先歆我非豪貴頗學道

見四十二
章經

綺襦交游非所好三年奔走長安城一飯侯門跡便埽
羈旅無終極老大徒傷悲青龍寺前譽誰致黃塵墓下
歌復哀相逢一笑猶疇昔幾日相思頭欲白依然仰面
看屋梁剩有酣歌拓金戟秋風昨夜來南軒驚鳥上擊
浮雲翻兀兀獨坐不稱意酒酣落日登高原櫪下驥檻
中猿我兄一生好身手埋頭乃向蓬蒿園

趙文敏朱箋太清樓大觀重刊帖

宜官拓本不可見人間閣帖俾天球閣帖審正亦無次
大觀墨海重雕鏤昔日南唐盛文藻臨摹古本追羲繇
澂心堂紙奚珪墨鍾王倣帖烟雲浮典午西來盛宣武

金陵洛下爭清適待書王郎失真鑒顛倒世次增繆悠
禁本流傳僅二府當時高價千金投龍氏大淵奉敕旨
睿思東閣開瓊樓玉躔金題重披乙象犀珠貝供羅蒐
首題丞相蔡京書揮毫一一雙銀鈎仙人嘯傲倚瓊樹
春岸迴翔戲海鷗玉環飛燕敢憎愛春蛇秋蚓嗤螭蟠
一波一磔盡奇致漢章皇象精神留吾聞靖康纏兵燹
戎瓊松漠晨星流錦贖飄零繡褫絕太清樓閣蒼烟愁
偶向宣和論書譜何啻玉匣埋昭邱吳興老人精鑒別
朱箋細字如蠶頭考核妙探東觀論博洽直與廬陵儔
摩娑斷碣逾珍璧兩美并合誠難求此本流傳闕人代

雲烟過眼生歎喙劫火已飛艮嶽圯鷗波亦沒孤亭幽
那知繭紙有呵護墨花錯落熒清秋司農藏弄數十載
寶此何啻千銀鏐舛州佳本頗殘缺香光好事窮鐫鏤
雲林清閼未收貯海岳畫舫空夷猶白虹夜半光怪發
菰蘆試看驚潛虬

雨宿張莊南村草堂賦畀二三同志

客路三年別夢長相逢生怕話游梁未堪門下稱居士
那有羣公說戰場春柳鳳城人北去秋風艮嶽雁南翔
鄉關今夕仍團聚爛醉鐙前總不妨

當年興劇百壺傾永夜揮杯四座驚一石漫矜齊贅壻

五經媿廁魯諸生

余贅趙氏南樓諸君時相過從聽余說春秋左氏傳

關心邊塞

書千里屈指星霜歲屢更存沒親交幾人在西風華屋

重含情

蟹稻西風近五湖年來鄉味羨菰蘆一時復集雞豚社
三載虛傳櫻筍厨歷數知交誰最健若論結習漸看羸
故人怪我雙蓬鬢易水歸來一酒徒

中年絲竹苦紛紜愛向風前坐夜分撫掌蓬蒿容笑傲
論心湖海得詩文京塵久厭黃金勒野服常思白練裘
他日倘爲真率會藥欄花徑幾斜曛

歲暮懷薈園許大都門

集選詩

日暮思親友雲霞收夕霏歲華春有酒游子寒無衣烈
烈夕風厲悽悽陽卉腓索居易永久況復雁南飛

岑將軍墓

在桂邱縣官道旁

神靈歆繹頓炎綱四七勲名俎豆光尺劒難除金虎氣
長陵愁看玉魚涼受降事已同君叔據險人空說子陽
今日道旁餘馬鬣神雅片片落荒岡

題從弟

紹曾滇南紀程詩

我家韋杜城南住俊逸偏憐小謝才吟到西陵風雨夜
江山搖落助愁來

潤州江亭翫月

風濤極目動離思振策危磯獨上時
瓜步微茫潮上早海門空闊月來遲
佛狸北去移千帳烏鵲南飛繞幾枝
余亦津亭能詠史江天寂寞爲誰期

雨止見月

起步散愁疾披襟坐北軒
溼雲奔復止微月吐還吞
露下蟲聲急風高花影翻
只應偕勝侶軟語破黃昏

九月旣望盛鶴野

步青

張葑洲

錫惠

家兄綠天叔

季

承曾助曾

偕游橫雲山

宿負溪山約及茲秋水生
江永涵深秋盪舟風日晴
稍見黛色修蛾波上橫
刺船沿方塘紅葉紛柴荆
昔賢

讀書處俯仰陵谷更捫蘿陟窈窕雲壑蒼然平寥天流
唳鶴千里思尊羹雲龍游洛年縈我懷古情晚入翠微
寺杳然魚梵聲空林無人行清景難爲名

懷苧原張丈

雲苞

君家住塘南門對春申浦遙憶綠楊邨蕭瑟清明雨
帶索向東臯夕陽澹相對野岸無人蹤雅來立牛背

接秦西巖

巖

札卻寄

玉堂展畫春山曉金管論文絳蠟凝浴殿前頭天尺五
喜聞又著黑貂升

時西巖新除御史

袖底封章入

聞音室詩集

卷二

五

禁鑾漢庭標格重倪寬故人吳下逢都講譚及霜棱白
晝寒

翡翠蘭苕綺麗思棗南花放寫新辭春明尙憶聯吟席
淮海風流是我師

任昉聲華王粲才

春間與王少林任
幼植于役白下

梁園詞客共追陪

江山到處堪乘興可奈霜華入鬢來

白下春濤入望迷青山斜月傍船低獨憐牛渚空江月
坐憶評詩謝鎮西

千里音塵共月明短書觸手五雲生開緘舊事懷嵇阮
每一相思命駕輕

款段京塵愧壯游，索居容易白蘋秋。
春衣明歲論文夕，細雨檐花上選樓。

東華小別又江南，疎嬾真成七不堪。
淹泊菰蘆忘歲月，強裁播擗寄雲藍。

游君山憩草菴枕山堂

振衣百尺俯潺湲，石磴莓苔滿目斑。
勝侶一時聯白社，大江終古對青山。
女環琴寫寒濤裏，楚相碑橫夕照間。
興劇更尋烟際寺，秋鷹霍霍遶林灣。

舟行望慧山

落日梁溪道，舟行人杳冥。
尊前一鳥白，篷底數峯青。

蠟林間屐還揚雲際舫永懷高士跡虛此幾回經

題吳中徐媛詩後

寂寥小雪畫簾垂殘臘園亭夢破時十幅錦牋誰料理
祇應腸斷白頭師

媛爲沃田沈丈女弟子

碧月岡頭鈔廣韻紅羅亭畔校叢書巡檐一笑梅花底
好句吟來玉不如

仙人嘯樹玉脣寒約畧銖衣隱畫欄剩得叢殘吟卷在
人間合作散花看

江陰韓氏菜圃中有梅一株高不及丈而根皮似
鐵紋如魚鱗土人傳爲宋代所植號韓園宋梅

云

霜風淒緊柴門破中有老梅如龍蛻根株走地勢屈盤
低亞頽垣動遭挫赤靈解甲旋飛騰黃虬媚影仍慵慵
摩娑精鐵歐冶驚俯拾斷炭豐隆呵園丁蹙蹙前致辭
此本梅龍沒塵堞當日花綱詔求急日南隴右牽鈴馱
良嶽曾傳萼綠名鍾山不及紅羅裏馬腦亭下美人愁
瓊華島側銖衣襜千章宮樹玉津園一樹冬青冷土銼
愛此老龍善埋照俯仰陵谷容高臥當春風物劇暄妍
猶可作花蝶翅大兒孫看守了不閒汲井滌泉手自謀
屋後池臺久已平翦茆薤草誰能過我聞此語三歎息

歲月荒唐敢饒和野翁不識靖康年但對蒼鱗拾寶唾
不材自古得天全高格由來歷寒餓冷艷仍含冰鐵容
覆檀那受風金摩恒河閱世知幾春風雪趨陪曾幾箇
西溪銅井太湖窟欲訪綠髮頻相左於庠雪山之北香
山南只有無言但宴坐

風金摩見
首楞嚴經

筠莊縱鶴圖

伊昔郭瑀棲臨松孤懷雅託高飛鴻手指此鳥安可籠
又聞支遁養鶴羽翮豐縱之遠舉翔雲中豈有陵霄作
近玩引吭展翅隨西東我嗤世人解好鶴羈縻逾夜舞華
鐙錯秋深海國感蕭晨夢遶江臯但羈泊失其本性非

所安俯仰名園亦何樂我兄作圖意態閒畫鶴務令飛
上天白石齒齒流清泉中有萬个青琅玕當其縱筆入
寥廓不異四禪初解縛滅沒長天秋影微沈冥海嶠雲
光薄應有秋猿不住啼悽音夜落寒篁籟

寄馬少波

去歲逢君君山岳須眉奕奕神清嚴低頭覓寓向蝸舍
羈心話別如風繆今年遇君白門下說詩頌古何詰詰
善譚名理得樂廣妙解音律推阮咸翦鐙度曲頗跌宕
鑠院作賦窮鑄劉與鶩爭食殊造次見彈求炙空忍饒
水榭柳綿太漂泊長干燕語還呢喃江干選勝同席帽

聞音絕詩集卷二

八

山磴托命仍長鑱綠樹排巖競蕭爽紅牆繞寺藏空嵌

阻風燕子磯偕游三台洞宏濟寺竟日

晚來其貰沙頭酒詰朝齊進江心

帆柁樓風利不得泊江濤聲盛如鼓儼遲君帆影落虎

阜其時日色沈香杉不遇馬卿那傾座幸逢老鐵猶攀

巖簾肆說餅雜褰屐茶亭噉茗加辛鹹長廊新詞紗障

壁我曹舊句泥一杓藉甚依然徒四壁倦歸且復脫重

銜亭擬子雲少好事門同嵇喜恒題凡每思少游乘款

段忽枉鄴騎開瓊函瀏漓古調發春麗勁轉筆力揮秋

斂樂任新知離別易交惟有道神明監遙憶高齋看花

妥初過潯雨烝梅黻紅榴艷發對絳帳白波潑灩搖青

衫扶疎遶屋夏木長寂寥三徑秋繩芟嗟我孤情向南
浦冥冥鴻影何由緘

自千佛菴移寓張二

熙純

舍九秋給假南歸賦此

誌別

離堂翦燭悵分攜客裏情懷百不宜白露久霑池草綠
素衣猶染洛塵緇香南雪北蹤頻寄雁後花前役踰時
隔歲相逢情倍好敢云尊酒易前期

集韻踰勇主切越也古者行役不踰

時見穀梁

九日泰安道中作

霜落寥天雁陣稀忽忽令節賞心違溪橋紅葉家山是

尊酒黃花客路非
曉霽嵐光迎席帽
夕陽雲影上征衣
行人莫唱江南曲
眼底吳門匹練飛

曉行書所見

蒼龍西沒燦長庚
海色天光宕漾明
雌霓雄虹渾不辨
曉行貪看日華生

萬丈青紅鬱不開
況論日觀與瓊臺
沈歸愚前輩曾登瓊臺觀日出之勝
幾時拂袖穿雲竇
謝客登臨海嶠來

丁亥正月二十六日三女寶姑殤觸事感懷輒成

八絕

七九春風怪作顛
小樓寒峭夜綿綿
忽忽揮手西行去

小劫人間有六年

將喚余夢女化為道士攜日我且西行君自東去

六年三載出門頻喜見歸來笑語親亦識而翁心緒惡
幾回遶膝立逡巡

梨栗堆牀伴校書茶鐺塵榻自嬉娛阿爹衰白從今始
忍向燈窗憶挽鬚

相依燈火度寒宵墨汁淋漓學畫描能頌經文三十字
明朝好待賣餠簫

秀齒明眉雙髻叉笑他合掌念摩娑從今好去香臺侍
自有慈雲向汝遮

白家三歲識之無汝特今年四歲餘篋衍已諳百數字

若教長大定何如女生于壬午年除夕雖闕六年僅四歲餘二十七日耳

貪癡吾已斷生平早識搏沙聚土成此日空華偏著相

累情特地為聰明

忽忽童烏十六年綿綿不斷積塵纏再來過去如能憶

吳越江山正渺然前趙孺人生長于於壬申冬殤

丁亥花朝遣興四首

晴園春序未平分花氣侵簾百和熏流宕韶華從笑電
叢殘意緒付行雲乍憐蝶影忽忽至又恐鵲聲漸漸聞
官閣平泉俱好在年時絲管最紛紜

淦水魚鱗罨畫溪幾枝姪姹壓檐低香生禪榻聞初破

影落屏山望轉迷一笑便同青鳥去雙蛾猶憶碧桃齊
閒庭無復吟飛絮倚徧紅欄日影西

月張園底玉河津寶馬鈿車日幾巡南內瓊枝傳彩筆
西那瑤館接芳茵貌如墜雨朋交散翩若驚鴻歲月新

只有維摩忘影事天花一榻不霑塵

先文恭舊邸在宣南坊西去里許有

古園中多喬木趙吉士罷官後居此頗加葺治先公云此卽元時月張園故址也先祖宮詹公詩云前代名園憶月張指此

華采揚靈意若何年年春事負羲娥西園半臂銷紅錦
南浦羅裙怨漾波蓮葉座中塵夢少桃花墳上酒痕多
何當緘意仙音鳥爲譜東皇曼壽歌

瞿塘下峽圖

楚江湖落趁天風
巫峽西陵四望同
一葉扁舟三尺浪
青山不斷水雲中

八月旣望偕張三

錫憲

王大

鼎

管大

恩

汎泖湖登

澂照寺浮圖

淞西衆水趨自南
百里赴壑爭趲趲
散入泖湖通潮汐
環爲港汊深爲潭
圓長南北勢遼濶
中流交滙承其三
天光雲影望不極
巋然一壘依精藍
百年龍象歷浩劫
天花悽寂藏香龕
豈有經聲越林莽
祇餘夕照橫頽甔
邇來布施仗佛力
木石瓴甕肩爭擔
楯欄飛結半雲構

金碧照曜中流涵漁柳杳杳落荒浦村落隱隱栖雲嵐
孤霞斷鷺去不息風鬟霧鬢來何愁此時覽眺豁衆慮
豈不差勝陳編蟬泖濱平子柳氏煥火急遞我一尺函
久懸塵榻待佳客信宿桑下偕朋簪白酒近局釀正美
黃花初漲泉尤甘寒潮西下月東上天街淨埽流雲曇
冰壺洞澈魄始濯珠闕宛轉胎初含江潭佳處留勝事
菰蘆我輩窮幽探堂中絲竹損歡趣蓬底偃仰資良譚
羣聲蕭蕭撥短櫂茶具一一收都監雞鳴鐘動天欲曙
明朝還訪蘆花菴

蘆花菴和王西亭原韻

聞音室詩集

卷二

三

聒音澹寂梵音收講屋林泉處處幽
秋浦烟深迷斷塢
寒蘆花落聚浮鷗吹塵淨界真涵鏡
閣水流光漫刻舟
一櫂沿緣便陳迹人生何不打包游

春初曾一至港中

原作

王原 西亭

市暨東頭夕照收秀花野竹一龕幽
葦叢深處明微
火寒水聲中宿點鷗解與徘徊惟海月
偶成隣並是
漁舟白雲晚出歸還早似我無心浪漫游

張德純 天農

艇子沿洄宿雨收蔣芽蘆葉水堂幽
滿庭綠蔭餘春
蝶四檻清光入暮鷗塵事久撓聊隱几
頑心任觸本

虛舟掉頭便有滄洲興去去誰同汗漫游

泛泖登澱照寺浮圖絕頂

雲水發光音香界息塵相金碧聳花宮一壙明瑤上龍
堂鈴語交鈴蓋陰霞抗登頓力未疲披豁神益旺背聞
七金山鳥舉雲譎盪種種現光明奇絕不可狀未悟清
淨理墮此狂花障嘶塵散空濛浮蟻塞清曠恒河無年
變逝川有日往脫屣竟何人著屐得幾兩吾生企宗雷
通隱兼禽向山水夙沈冥斯游愜疎放

宿翁鳳山洞庭山館

高館憑虛手版攜疎簾木榻鎮相宜龐公上塚全家去

謝監尋山永日期漠漠湖光林杪出冥冥帆影雨中遲
層軒四面供吟眺橫絕天邊是莫釐

主人營葬於虎山遲留山館數日

沃田沈丈

大成

惠貽南藏華嚴經賦謝

西乾梵筴來流沙七寶爛爛敷光華爾時諸天大結集
鐵圍山色穹窿斜七處九會得未見天光海印何遼遐
龍樹精修起震旦珠堂貝闕搜瓊葩淵府祕惜不肯授
海神嚙嚙龍牙牙六百餘年布東土跋陀羅譯從鳩摩
什公八俊筆格簡華音梵唱同施荼遠歷遮拘循海嶠
置此亦足供悲嗟生平熏習在無漏云何不隔琉璃遮
初離火宅猶曦赫但清水觀煩欬爬狂華四障發勞瞪

安得解駁流雲瑕吾祖當日奉

寶勅點畫百萬非訛夸自證淨因了可悟浩劫一墮摩
登伽此生誓願皈淨社菴摩羅果香蓮花以是寫頌闕
三載手胼口沫爭紛拏恒河茫茫閱人代日變月化驚
脩蛇秋風繞樹翻老鴉來叩沃田居士家華藏性海就
相付吾爲摘手敬拜嘉

春晚塘南卽事

雲陰風色起潮長沒沙痕白鳥投荒浦黃花入曉村地
偏連麥隴客至啟柴門社酒欣初熟相將老瓦盆

送同年雷雷峰

翀霄

赴館

萬里江陵彩鷁開鄉園話舊幾追陪湖山冷落登樓客
象緯光芒說劍才禁苑鐘聲遲璧月畫橋蟬影落秋槐
毀前作賦推公等會蹴靈鼇一笑來

三年韶景付烟波落落門庭雀可羅鴻雁鄉關書札少
弟兄京國別離多花磚曉日移溫樹螭首清宵宿絳河
寄語玉堂諸侍從畫鈴珥筆近如何

九月初旬瓜牛廬小集分韻得初字

秋氣襲長薄曉露塗階除良辰赴嘉招命駕得所如游
思竹素集敲盍雲霞舒商略及終古譚藝沿皇初丈人
爲閑尊肴核出中厨樂此文字飲毋令霑裳裾屈指京

洛交寤歎山陽廬華海旣電謝

張少華

蒲褐靡寧居

時蘭泉從

軍演南

幾時別亭障行荷東臯鋤塊獨三四人猶得注蟲

魚新知殊可樂古懽良弗疎百感付銷沈歲宴庶華予
坐深燭見跋墮幘爲長吁

陪沃田沈丈游超果寺

行散來初地諸天鐘磬沈石欄雲氣濕苔壁海潮侵老
樹仍風雨寒鴉自古今同參支許在步履喜相尋

同年余秋室

集

招游孤山泛舟至南屏山小憩

風色渙漣漪平湖展鏡時祇爲百里適竟負十年期昔
去青楓暗今來紅萼滋草堂應有待未笑客行遲

放艇平橋外烟波極望深鐘聲沈夕照塢影出遙林白
社他年約青山別後心詰朝分手去愁唱渡江吟

余秋室夜譚

吾友文章伯才華久絕倫詞鋒無勁敵書法亦通神
統綉無名士菰蘆有俊人最憐風雨夜尊酒話前塵

西陵

客航初卸筍興還水驛山程十里間日暮西陵人喚渡
庫篷船上看蕭山

海嶠登臨第一程青山西笑若相迎久知謝客東游好
綠篠紅泉少世情

自上虞泝溪至嵎縣

昨日西陵渡沿流數問津朝來上虞郭尙憶永嘉人魚
釣忘朝士貂裘有逸民平生邱壑意異代許同倫
清溪幾百曲邀我入雲林無復人間世空餘太古心孤
霞澂顥氣虛壑寫聾音卽此遺塵慮何須慕向禽

雨宿斑竹嶺

西風吹雨出林端莽莽蒼厓幾阻艱樵徑欲迷烟客駕
雲裝時對米家山扶膝直恐莓苔滑揭澗猶能杖履閒
此夕懸燈叢竹嶺不知身在翠微間

雨度會墅嶺

聞音室詩集卷二

夫

雨行曉度竹嶺西石磴屈曲雲盤泥一峯青濛眾峯白
鴻濛蹕躍雲將迷兜羅綿裏不得出大千世界籠琉璃
愕眙咫尺昧昏曉滃鬱襟袖從空攜須臾雨止雲解駁
陰霞晃朗升朝隰青天淨埽佛髻出白雲一線魚鱗齊
前嶺蜿蜒上龍脊後嶺突兀隨鵲低松風墮地雪澗合
中有蘿徑烟禽啼籃輿宴坐默太息天生異境非人躋
十洲三島第如是聖仙了悟天之倪但得手持綠玉杖
終朝腳踏青雲梯爲我揮手謝人世吾曹豈得擾擾同
醯雞

曹書圃

錫璜

喬檀園

鍾沂

鷗屯

鍾吳

鄂不

鍾霍

昆

季南園賞花釣魚

曾憶年時路不迷柳陰門巷綠烟低紅酣欲安玲瓏石
白小羣分罨畫溪投分漫來金谷友閒情好付錦囊奚
酒闌燈爇人歸後虛閣松篁韻更淒

月明華屋雨後聽泉同喬氏昆季以泠然希音爲
韻得泠字

竹泉新雨過溪水亦泠泠石磴烟初合花叢路暗經急
疑翻雪澗遠欲遶雲汀更撫清絃寂希音入杳冥

別喬氏昆季

歇浦雲帆次第開羊求三徑樂追陪烟郊騎馬尋春去

花榭彈碁聽雨來酒倦難依金谷數燈殘頻見玉山頽
何當霧夕聯高詠殘客清吟只費才

三珠海上羨君家況有園亭樂事誇綠水魚苗滋舊種
紅欄鶯粟發新芽吟情跌宕風前柳別緒翩反春半花
忽漫離筵復分手平生書劍是天涯

偕檀園同行宿浦上風雨驟至有懷而作

歸攜襖被喜同行津鼓紕紕扈瀆城半夜檣帆排浪出
一江風雨挾潮生宜亭花發尊前思華屋燈殘別後情
尤惜來朝易分手那辭剪燭到三更

清遠軒文字飲得朱字

一葉秋聲到井梧，索居容易客情孤。
相逢觴酌填如塹，小極歌喉澁似竽。
話雨心憐新與舊，把杯眼詫碧成朱。
寶筵客散銅槃炮，離緒重重慰得無。

八月十五夜宜亭待月感事成詩

微雲漠漠隱金波，客裏無聊溯絳河。
落拓江亭秋易晚，留連塵榻夜如何。
世情合付拈花笑，人事何當對酒歌。
此夕瓊樓迷望處，好憑飛夢問姮娥。

題張萱唐宮七夕圖

天宇沈沈淨寥廓，殿角明河斜欲落。
宮中七夕望雙星，卻整盤鴉啟珠箔。
良宵瓜果羅圓方，美人結束皆唐裝。

仙裾戍削畫欄曲穿鍼愛納涼蟾光舉頭雲幄夜明瑟
但願年年遇良匹撫序休憐紈扇秋承恩只話金釵夕
禁本流傳綺麗思携蒲艷錦玉裝池誰將樓閣開金碧
絕代張萱老畫師畫師曾否逢天寶繁華時節開元好
閒調鸚鵡繡簾垂並擊梧桐清露曉比是張徽侍譙游
霓裳歡樂雨淋愁丹青只寫昇平景不及西宮一葉秋

調鸚鵡擊梧桐二圖皆張萱作見宣和畫譜
又張萱開元館畫直見唐書藝文志注

聞音室詩集卷二

平湖陸坊野橋校
金山汪奏雲今